

**ЗАХИРИДДИН МУҲАММАД
БОБУР НОМИДАГИ
АНДИЖОН ДАВЛАТ
УНИВЕРСИТЕТИ**

**ZAHIRIDDIN MUHAMMAD
BOBUR NOMIDAGI
ANDIJON DAVLAT
UNIVERSITETI**

ILMIY XAVARNOMA

Научный вестник

2018 / №1

**Андижон
2018 йил**

МУНДАРИЖА**ГЕОГРАФИЯ**

М.МАМАЖОНОВ Андижон вилояти каналлари ва уларнинг халқ ҳўжалигидаги аҳамияти.....	58
---	----

ТАРИХ

О.Б.БАХТИЁРЗОДА Вклад русских ученых в становление геологической науки Узбекистана	62
--	----

Ж.Ш.ҲАЙИТОВ Россия империясининг кўчириш сиёсати ва немис-меннонитлар тақдири.....	65
--	----

Ж.ХАСАНОВ Ўзбекистон фанлар академияси тарраққиётида Ҳабиб Абдуллаевнинг тутган ўрни	68
--	----

АДАБИЁТШУНОСЛИК

Б.ТўРАЕВА Бадий замон концепциясининг ўзбек адабиётшунослигида ўрганилишига доир.....	72
---	----

Б.МўМИНОВ Шухратнинг «Олтин занглас» романида бош қаҳрамон эволюцияси	74
---	----

А.Х.ТУРСУНОВ Йоҳанн Шильтбергер ва унинг «Саёҳатнома»си.....	77
--	----

ТИЛШУНОСЛИК

В.А.КАРАЩУК, Н.Ф.ПАРПИЕВА Семантический анализ имен прилагательных со значением цвета в современном русском и узбекском языках.....	80
--	----

М.А.АЛИЕВА Миллий газлама дизайнерлик терминларида парадигматик муносабат.....	82
--	----

Н.Т.ДОСБАЕВА Лакуна лингвомаданий ҳодиса сифатида.....	86
--	----

ПЕДАГОГИКА

З. АЗИМОВА Олий таълим муассасаларида маънавий-ахлоқий муносабатларни такмиллаштиришнинг интеграл педагогик имкониятлари.....	89
--	----

Т.У.ИСМОИЛОВ, Ғ.Т.ИСМОИЛОВ Ёш авлодни тарбиялашда ҳаракатли ўйинларнинг аҳамияти	92
--	----

А.ҚОДИРОВ, Н.ХАКИМОВА Limitlarni hisoblashda Shtolts teoremasidan foydalanish.....	95
--	----

С.С.ТАЖИБАЕВ Ўсмир боксчиларнинг техник тайёргарлигида ҳаракатли ўйинлар биокинематик занжирининг қиёсий таҳлили	97
---	----

И.Р.КАМОЛОВ, М.З.НОСИРОВ, А.А.АҲМЕДОВ, Д.И.КАМОЛОВА Олий таълим ўқув жараёнига инновацион таълим технологияларини татбиқ этиш	100
---	-----

Т.СУЛАЙМОНОВА, Ф.ҚОСИМОВА Ўсмирларда ватанпарварлик қадриятларини шакллантиришнинг ижтимоий-психологик хусусиятлари.....	103
---	-----

А.АНЛИМИРЗАЕВ, М.ИБРАГИМОВ, Н.АБДУЛЛАЕВА, Ш.ЕРКИНЖОНОВА Parametr qatnashgan kvadrat tenglamalarni yechishda ba'zi bir teoremalardan foydalanish	107
---	-----

«Илмий хабарнома – научный вестник» журналинда чоп этиладиган мақолаларга қўйиладиган талаблар.....	112
--	-----

ной съемке края. Произведен был ряд картографических работ, в основе которых лежали детальные съемки территории, и закончены многолетние капитальные астро-геодезические и гравиметрические исследования П.К. Залесского.

Таким образом, в конце XIX – начале XX в. значительный вклад в изучение геологии Средней Азии внесли видные русские ученые, которые способствовали становлению геологической науки Узбекистана.

Литература:

1. Маджмуа-йи васаик. ИВ АН РУз, инв. № 1386, л. 227 а.
2. Махмуд ибн Вали. Море тайн. - С. 65,76,92.
3. Посланник Петра I на Востоке. Посольство Флорио Беневени в Персию и Бухару в 1718-1725 годах. - М.: Наука, 1998. - С. 83-84.
4. Терентьев М.А. Россия и Англия в борьбе за рынки. - СПб., 1876.- С. 50.
5. Венюков М.И. Опыт военного обозрения русских границ в Азии - СПб., 1873
6. Бутенев К.Ф. Заводское дело в Бухарии // Горный журнал. Ч. 4. Кн. 11.- Спб. 1842.- С. 148-154.
7. Бутенев К.Ф. Монетное дело в Бухарии // Горный журнал Ч. 4. Кн. 11.- Спб., 1842.- С. 154-156.
8. Бутенев К.Ф. Об увеличении сбыта русских горных заводов в Бухарию // Горный журнал. Ч. 4. Кн. 11. Спб., 1842. С. 168-175.
9. Бутенев К.Ф. Минеральные богатства Бухарии // Горный журнал. Ч. 4. Кн. 11. - Спб., 1842.
10. Краузе И. Заметка о красильном искусстве туземцев // Русский Туркестан. Сборник, изданный по поводу политехнической выставки. Вып. III. География и статистика / Под ред. Н.А.Маеева. - М., 1872.
11. Записки Будрина о пребывании в Бухаре (1820) // История Узбекистана в источниках.- Т., 1988. - Т. II. - С. 211
12. Золотиницкая Р.А. Северцов Н.А. – географ и путешественник. – М., 1953.
13. Заметка о минеральных богатствах Туркестанского края горного инженера Д.К. Мышенкова. – Т., 1892.

ЎзФА Тарих институти,
2017 йил 21 декабрда қабул қилинган
(Тақризчи: проф. О.П.Кобзева)

РОССИЯ ИМПЕРИЯСИНИНГ КЎЧИРИШ СИЁСАТИ ВА НЕМИС-МЕННОНИТЛАР ТАҚДИРИ

(XIX аср охири – XX аср бошлари)

Ж.Ш.Ҳайитов

Мақолада XIX асрнинг охириги чорагида Туркистон минтақасига кўчиб ўтган немис-меннонитлар ҳаёти, турмуш тарзи, хўжалиги, тарихий тақдири мавжуд манбаларнинг қиёсий таҳлили асосида ёритилган.

Калит сўзлар: кўчириш сиёсати, Сырдарё вилояти, Каспийorti вилояти, Хива хонлиги, немис-меннонитлар, деҳқончилик, чорвачилик, хунармандчилик, ёлланма ишчи, тадбиркор.

В данной статье анализируются на основе источников сведения об исторической судьбе немец-меннонитов, об их хозяйственной деятельности.

Ключевые слова: переселенческая политика, Сырдарьинская область, Закаспийская область, Хивинское ханство, немцы-меннониты, земледелие, скотоводство, ремесленничество, предприниматель.

The given article presents the analysis of the data on the historical destiny of German - Mennotites and the economic activities on the basis of certain sources.

Key words: resettlement policy, Syrdarya region, Transcaspian region, Khiva khanate, German mennoties, hired workers, dekhkan farms, cattle breeding, agriculture, craftsmanship, businessman, industrious, disciplined, Turkestan cotton, prices.

меннонитлари томонидан чоп этилган, асосан диний масалалар кўтарилган газеталарни ўқиб туришган. Ушбу газеталар муҳожирлар, сайёҳлар, савдогарлар томонидан Авлиёотадаги немис-меннонит қишлоқларига турли йўллар билан олиб келинар эди. Меннонитлар деҳқончилик, чорвачилик, хунармандчилик билан шуғулланган, баъзилари шаҳарга бориб тадбиркорлик билан ҳам машғул бўлишган. Авлиёота меннонитлари ҳаётини ўрганган жаноб Гейёрнинг ёзишича, чорвачиликнинг чўққачилик соҳаси уларнинг хўжалигида яхши тараққий қилган. Сигир ва қўй парваришlashда меннонитлар устаси фаранг бўлиб, пахта экиш тажрибасига эга бўлмаганлари учун бу борада муваффақиятга эриша олмадилар [2.3–4].

Туркистон генерал-губернаторлигининг Каспийорти вилоятида, Ашхабоддан 90 чақирим узоқликда жойлашган ҳудудда 1892–1893 йилларда империянинг Саратов губерниясидан кўчирилган немис-меннонитларнинг Саратовка қишлоғи бўлган. Саратовка қишлоғидаги немислар 18 хўжалик (оила) бўлиб, 83 жонни ташкил этарди. Бу немис-меннонитлар ҳар бир оиласига янги колонияда ўрнашиб олиш учун давлат томонидан 100 рубль миқдорда ёрдам пули берилган. Сунъий суғоришга асосланган деҳқончиликдан узоқ бўлганлари учун улар лалмикор деҳқончилик билан шуғулланишган. Саратовкалик немислар 1894 йилда 55 десятина ерга бугдой, 5 десятина ерга арпа экиб, 1 десятина ердан 15 пуд (1 пуд – 16 кг) бугдой, 30 пуд арпа олишган. Саратовка қишлоғида истиқомат қилувчи немис-меннонитлар чорвачиликнинг қорамолчилик ва чўққачилик соҳаларида катта ютуқларга эришганлар. Улар парваришлаган сигирлар 30 – 40 литргача сут берган. Чорва моллари учун беда етиштириладиган кенг майдонлар барпо этилган, ёввойи ўт-ўланлардан пичан гарамлари қилишарди ва гарамлар сонига қараб ҳар бир немис-меннонит нечта қорамолга эга эканини билиб олиш қийин эмасди. Немис-меннонитлар паррандачилик, айниқса, курка парваришlashда устаси фаранг бўлишган. Уларнинг ҳар бир хўжалигида 5 – 6 та қорамол, 30 – 40 тагача курка парваришланган. Чорва махсулотлари (гўшт, сут, сметана, қаймоқ – Ж.Х.)ни мўл-кўл етиштирган немис хўжаликлари эҳтиёжларидан ортиқча товарни Ашхабод шаҳри бозорида сотишган ёки ҳарбий гарнизонлар учун махсулот харид қиладиган дўконларга белгиланган нархларда топширишган. Айрим немислар тегирмонларга эга бўлиб, уларда 3–4 киши меҳнат қилган. Саратовка меннонитлари хўжалик ҳаётида боғдорчиликнинг роли ҳам муҳим бўлган. Улар шахсий томорқасида олма, малина, смородина, крижовник каби экинлардан мўл-кўл ҳосил етиштиришган. Хўжалик тармоқларидан узумчилик, картошка, помидор, шоли етиштириш билан ҳам шуғулланган меннонитлар 1 десятина ердан 500 центнер картошка, шолидан 100 центнер ҳосил олишган [2.5]. Айрим балаларда картошка, помидор, бақлажон каби янги экин навлари минтақамизга немис-меннонитлар то-

монидан олиб келингани қайд этилган. Бироқ ушбу маълумот тарихий ҳақиқатдан йироқ бўлиб, В.И.Кушелевский: «Картошканинг маҳаллий номи йўқ... 1865 йилда Тошкент забт этилганидан сўнг, татарларнинг уйларидан кўп миқдорда топилган» [3.269.], – деб ёзади. Ушбу маълумот картошка ва помидор каби янги экин навлари немис-меннонитлар Туркистон минтақасига келишидан илгари маълум бўлганидан далолат беради.

Саратовка қишлоғидаги немис-меннонитлар қиш фаслида, яъни шахсий хўжалик ишларидан эркин бўлган пайтларда, Ашхабод шаҳрида бир кунлик меҳнат эвазига 50 – 80 тийин тўланадиган турли юмушларни ҳам бажариб тирикчилик қилишган. Сирдарё ва Каспийорти вилояти немислари ўз шахсий хўжаликларини ақл-идрок билан юритиб, ўзаро ва қўшнилари билан дўстона умргузаронлик қилишган.

XIX аср охири – XX аср бошларида Хива хонлигида 106 минг уйлик (шундан 30 минг уйлиги туркманлар) аҳоли истиқомат қилиб, ҳар бир оилада ўртача 7 жон бўлса, жами: 742 минг киши бор эди. Хонлик ҳудудидаги бекликларда 1507 нафар руслар ҳам бўлиб, жумладан, Хива қалъасида – 80 нафар, Урганчада – 110, Тошҳовузда – 100, Қўнғиротда – 150, Садбарда – 300 нафар славянлар (рус, украин, беларус ва ҳ.к.) истиқомат қиларди.

Шунингдек, хонликда 137 нафар немис-меннонитлар ҳам яшаб, улар 1884 йилда Қипчоқ яқинидаги Илонтон деган жойга келиб ўрнашганлар. Ушбу немислар асли Германиянинг Марионбург ҳудудидан бўлиб, аввал Россияга, сўнгра хонликка кўчиб ўтган эдилар. Хива хони Муҳаммад Раҳимхон Феруз II (1864 – 1910) немис-меннонитларни хонлик маркази Хива шаҳрига яқин бўлишлари учун Оқмасжид (Ҳақмасжид)га кўчиради [4]. Оқмасжид немислари томларни шифер қилиш, уйларга ойна ўрнатиш, фотосурат олиш, кинематография соҳасидаги янгиликларни олиб келишган. Ҳатто туркистонлик биринчи фотограф Худойбергановнинг устози ҳам оқмасжидлик немис-меннонит Пиннер номли шахс ҳисобланади. Улар Хива шаҳрида замонавий шифохона ва почтахонани бунёд этишди, «Жавон», «Зингер» тикув машиналарини Оқмасжидга олиб келишди. Мош, кунжут, ловия каби маҳаллий экинларнинг янги навларини яратдилар, улар моҳир дурадгорлар бўлиб, нақшинкор дарвоза ва эшиклар ясашган. Оқмасжид немис-меннонитлари хунармандчилик буюмларини ясашда хон ва унинг амалдорлари буюртмасини бажаришган. Туркистон минтақаси ва хонликдаги сиёсий жараёнларга қатнашмаган немислар товон тўлаб ўзларини ҳарбий хизматдан озод қилиб олишган. Деҳқончилик, чорвачилик, хунармандчилик машғулотлари билан шуғулланган оқмасжидлик немис-меннонитлари ясаган буюмлар ҳозиргача сақланган. Улар совет ҳокимияти йилларида колхозларга бирлашишни истамади, кейинчалик тарқалиб кетиб, кўплари Тожикистонга кўчиб ўтишган. Оқмасжид (Хива шаҳридан 12 км узоқликда, ҳозирги Янгиариқ тумани-

да) немислари 1930 йилларда турли ҳудудларга тарқалиб кетдилар. Оқмасжидлик немис-меннонитлар ўзларининг тартиб-интизоми, миришкор деҳқон ва чорвадорлиги, моҳир уста-хунармандлиги, ҳалоллиги, одамохунлиги, тадбиркорлиги каби хислатлари билан маҳаллий аҳолида катта таассурот қолдирган.

Хулоса:

1. Россия империясининг 1860-йиллардан бошланган кўчирувчилик сиёсати туфайли минг-минглаб Европа миллат вакиллари, шунингдек, оз сонли бўлса-да, немис-меннонитлар ҳам Туркистон минтақаси ҳудудларига келиб жойлашдилар.

2. Немис-меннонитлар ўзларининг диний мазҳаби қоидаларига қатъий амал қилиб, ҳарбий-сиёсий жараёнлардан четда турдилар ва тинч-ижодий меҳнат билан шугулландилар.

3. Немис-меннонитлар Туркистон минтақасидаги янги экин навларини жорий этишда, боғдорчилик, сабзавотчилик, полизчилик соҳасида муҳим роль ўйнадилар.

4. Немис-меннонитларнинг маҳаллий аҳоли билан самимий муносабати хўжалик юриштидаги тарихий тажрибаси миллатдошларимизга сезиларли таъсир ўтказди.

Адабиётлар:

1. Граф Головин. Колонизация Туркестана (Корреспонденция нового времени) // Туркестанский сборник; Том.542.– С.343–344.
2. Крестьянская колонизация въ Сырь-Дарынской области (Русская мысль; №2. За 1893) //Туркестанский сборник; Том.419.– С.3–4; 5–10.
3. Кушелевский В.И. Материалы для медицинской географии и санитарного описания Ферганской области. Т.1; Новый Маргелан; 1890. – С. 201–268.
4. Маткаримов С.А. Хива хонлигида нарх-наво, аҳоли ва солиқ // Ўзбекистон овози.- 2006.- 15 октябрь.
5. Собиров Н. Эгамназаров А. Фаргона водийсининг ижтимоий-иқтисодий ва маданий ривожланишида немис ишбилармонларининг ҳиссаси.- Т., 2002.– 163 б.
6. Фафуров Ш. Тарих ва тақдир: Россия империясидан Туркистонга кўчирилганлар. – Т.: Фан; 2006. 223 бет.

Бухоро давлат университети,
2017 йил 22 декабрда қабул қилинган
(Тақризчи: доц. Б.Расулов)

ЎЗБЕКИСТОН ФАНЛАР АКАДЕМИЯСИ ТАРРАҚҚИЁТИДА ҲАБИБ АБДУЛЛАЕВНИНГ ТУТГАН ЎРНИ

Ж.Ҳасанов

Мақолада XX асрнинг 30-60-йилларида Ўзбекистонда Фанлар академиясининг ташкил этилиши ривожланиш жараёнлари ва академия тарраққиётида Ҳабиб Муҳаммедович Абдуллаевнинг тутган ўрни ва роли масаласи янги манбалар асосида атрофлича ёритилган.

Калит сўзлар: фанлар академияси, илмий тадқиқот муассасалари, миллий илмий кадрлар, илмий ходим, фан номзоди, фан доктори.

В статье освещаются вопросы организации Академии наук Узбекистана и её развития в 30-60 годах XX века. А также изучены роль и место Хабиба Абдуллаева в развитии Академии наук Уз ССР

Ключевые слова: академия наук, научно-исследовательский институт, национальные научные кадры, научный сотрудник, кандидат наук, доктор наук.

The article is devoted to the organization of the Academy of Sciences of Uzbekistan and its development in the 30-60 years of the twentieth century. Also, the role and place of Habib Abdullaev in the development of the Academy of Sciences of the Uzbek SSR was studied.

Key words: Academy of Sciences, research institutes, national scientific cadres, research associate candidate of science, doctor of science.